



Universitätsbibliothek Paderborn

Instructio practica ...

Continens Armamentarium Seu Panoplima Spiritualem - Id est, Varia arma
& media ad omnis generis tentationes fortiter sustinendas, & feliciter
superandas, Ad Omnium Quidem Animarum

Lohner, Tobias

Dilingæ, 1688

Tent. V. Circa Creationem in gloria.

[urn:nbn:de:hbz:466:1-48377](#)

aliqui damnantur ad supplicia temporalia , quantò magis propter justitiam DEI , gloriāque damnati possunt aliqui ad sempiterna supplicia ; meretur sane partis percussionem decor totius ; cùm ergo finis totius naturæ nostræ sit gloria DEI , digna utique erit ostentatione per omnes suos numeros etiam cum jactura scelerorum . Hinc eleganter Tertullianus ait : Major boni portio modico malo ad testimonium sui utitur .

XXIII. Quintò denique si hæc omnia nihil proficiant , aut sublimia nimis videantur , hortetur , ut ad commune & universale remedium fugiat , intellectus , & , sicut articulis fidei assentitur , etiamsi ipse capere eosdem non possit , ita & in hoc facto Deum justissimè procedere sentiat , licet justitiæ talis æquitatem non capiat , dicarque : *Justus es , Domine , & omnia iudicata tua iusta sunt.*

§. V.

Tentatio V. Circa creationem in gloria.

XXIV. Nicasius Doctor Juris audiens illam S. Scripturæ sententiam , quòd DEUS velit omnes homines salvos fieri , cogitare apud se cœpit : si Deus vult omnes salvos fieri , cur non omnes in gloria creavit ? an non hoc ipsi magis gloriosum , magisque bonitati illius congruum , totiisque generi humano magis salutare fuisset ? sic secum discurrens , cùm solvere hoc argumentum non potuisset , occasionem natus Parochio illud proposuit . Quæritur , quid illi respondendum fuerit ?

Respon-

Responsio.

XXV. In primis quidem ipsi ostendat, quantum augmentum gloria DEI percepit hactenus, & deinceps adhuc usque ad finem mundi perceptura sit ex tota præclaris & generosis actibus virtutum à Christo, B. Virgine & reliquis Sanctis elicisis, ex tam copioso sanguine ab eodem Christo & SS. Martyribus profuso; quo toto augmentatione gloria divina carere debuisset, si DEUS statim ab initio omnes homines in gloria creare voluisset; cum ergo omnium hominum interitus cum gloria DEI comparatus minoris astimandus sit, quam vermiculi aut culicis calcatio ad honorem & gustum maximi Regis, facilè appareat, quam parùm decuerit, homines ab initio statim in gloriam creari.

XXVI. Secundò eidem ostendat, quanta ita idem gloria humano generi, accesserit ex eo, quod Christus humanam naturam assumperit, tantique eam fecerit ut tot labores assumere, tam copiosum sanguinem profundere, ipsamque crudelissimam & ignominiosissimam pro illius redemptione mortem subire volueret. Quantum præterea gaudium Beati homines in causa per totam æternitatem ex gloriosissimo Christi aspectu percepturi sint; quibus omnibus bonis caruerit humana natura, si mox ab initio in gloria creata fuisset, cum tamen haec ipsa bona tanti facienda sint, ut immororum hominum interitus potius, quam carentia tot bonorum permittendus fuisset.

XXVII. Tertiò illi referat, quid Junilius Africinus, teste Eusebio Nierenbergi op. I. l. 2. c. 24. Theophrastus ad quæstionem sibi ipsi propositam: Si omnia, qua-

presentis aculo gesta sunt, ad futurum respiciunt, cur
opus erat, ut à DEO præsens sæculum fieret? Respon-
derit, nempe quia decuit, ut creaturæ rationales priùs
dicerent, & exercitarentur in dubiis, actunc æter-
nis postea fruerentur: & meritò data viderentur pro-
batis, & gratiota fierent reminiscentibus transacta
certamina & plùs glorificaret donatorem, qui pios in
hoc sæculo juvat, & ut vincerent, & victoribus æterna
præmia concederet. Itaque præcedentes labores ob-
sonant sequentem beatitudinem, discrimina con-
diunt securitatem, & quodammodo donatorem ma-
gnificant, dum donum cumulant, cùm placidiùs
faciant. Quò etiam referri potest S. Augustini sen-
tentia dicentis, quòd desiderata diu dulcius obtinean-
tur, citò data vilescant,

XXVIII. Quartò ostendat, quòd, cum ex ho-
minibus quasi lapidibus quadratis coelestis Jerusalem
edificanda sit, necessariò ad eos quadrandos in hoc
sæculo malleus & securis tribulationum & laborum
priùs fuerint necessarii, ut verificari de altera vita
posset: *Malleus & securis non sunt audita in domo
Domini.* Hinc rechè Aithardus in 3. Reg. cap. 6.
ait: *Vt formentur lapides in Libano superiore, primò
extrahendi sunt in Libano inferiore; ut formentur
in charitate DEI, eruendi priùs sunt ab amore
sæculi.*

• 8 (o) 50

Z

CA-